

---

## SIARAN MEDIA

Untuk Siaran Segera

# GANGGUAN BEKALAN KUASA JEJAS KEKERAPAN PERKHIDMATAN LRT LALUAN KELANA JAYA

**KUALA LUMPUR, 16 April 2024** – Perkhidmatan LRT Laluan Kelana Jaya sedang beroperasi dengan bilangan tren yang terhad akibat kegagalan sistem bekalan kuasa yang disambar petir.

Kejadian yang dilaporkan berlaku pada jam 3.30 petang telah mengakibatkan tren-tren tambahan dari Depoh LRT Subang tidak dapat digerakkan untuk kegunaan operasi waktu puncak.

Susulan daripada gangguan ini, perkhidmatan LRT Laluan Kelana Jaya beroperasi dengan kekerapan tren 4 hingga 5 minit.

Beberapa fasiliti seperti eskalator, lampu dan lif di tiga stesen LRT iaitu Stesen Kelana Jaya, Stesen Taman Bahagia dan Stesen Taman Jaya tidak dapat berfungsi. Namun pengguna masih boleh menggunakan perkhidmatan LRT seperti biasa di stesen-stesen tersebut.

Bagi tujuan keselesaan dan kesinambungan perjalanan, pengguna boleh menggunakan laluan rel alternatif seperti berikut: -

- a) LRT KL Sentral – MRT Muzium Negara & Monorel KL Sentral
- b) LRT Dang Wangi – Monorel Bukit Nanas
- c) LRT KLCC – MRT Persiaran KLCC
- d) LRT Ampang Park – MRT Ampang Park

Kerja-kerja baik pulih masih giat dijalankan oleh jurutera Rapid Rail dan sebarang perkembangan lanjut akan dimaklumkan menerusi kenyataan media susulan dan di platform media sosial Rapid KL.

Anggota Polis Bantuan dan petugas stesen juga telah ditempatkan di platform dan kawasan ruang legar stesen bagi membantu pergerakan penumpang. Pengumuman di platform juga dijalankan secara berterusan.

Pihak Rapid Rail memohon maaf di atas kelewatan dan kesulitan yang dialami oleh para penumpang dan kami amat menghargai kesabaran anda.

**\*TAMAT\***

---

**Dikeluarkan oleh Rapid Rail Sdn Bhd, sebarang pertanyaan media sila hubungi pegawai komunikasi Rapid Rail Sdn Bhd**

- 1. En. Mohd Sofian Himi 019-460 1110**
- 2. Pn. Noor Natasha Mohd Irwan 013-332 2900**



CERTIFIED TO ISO 9001:2015  
CERT. NO.: QMS 03438



CERTIFIED TO ISO 14001:2015  
CERT. NO.: EMS 00673



CERTIFIED TO ISO 45001:2018  
CERT. NO.: OHS 00788



CERTIFIED TO ISO/IEC 27001:2013  
CERT. NO.: ISMS 00341



CERTIFIED TO ISO 37001:2016  
CERT. NO.: ABMS 00129



FIRST ORGANIZATION TO  
RECEIVE FIVE ISO  
CERTIFICATION  
THROUGH INTEGRATED  
MANAGEMENT SYSTEM  
IN A SINGLE AUDIT